

# Goibekokale

ELGETA / Barikua / 2003eko ekainaren 13a / 145. zenbakia

KOORDINATZAILEA: Irati Agirreazaldegi • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

## Zazpi zinegotzik udalbatza berria osatuko dute biharko bilkuran

IRATI AGIRREAZALDEGI


Udalbatza berria bihar eguerdian osatuko da. Sei zinegotzik eta alkateak hartuko dute kargua bertan. Oraindik ikusteko dago herritarren botoen arabera plataformari dagokion zinegotziak kargua hartuko duen edo bi alderdik jardungo duten Udalean.

Bihar, zapatua, udalbatza berria eratuko dute eguerdiko hamabietan hasiko den osoko bilkuran. Hain zuzen ere, alkateak eta zinegotziek euren karguak hartuko dituzte.

Aurten hauteskundeak bereziak izan direla kontuan hartuta, baliteke udalbatza osatzeko orduan tirabirak sortzea. Izan ere, baliogabe bezala zenbatu ziren botoak kontatuz gero, Elgeta Auzolanian plataformak zinegotzi bat izango luke, baina legez bat bera ere ez dagokio.

Aralarko ordezkariak zera esan dute: "Herritarren iritzia errespetatuko dugu. EAJ-EAk eta Aralarrek hiruna zinegotzi eta plataformak bat izatea".

Plataformako kideak ere iritzi berekoak dira eta ahalegina



Orain arte EAJ-EA koalizioako lau ordezkariak eta Euskal Herritarrok alderdiko hiru zinegotzik osatu dute udalbatza.

egingo dute eurei dagokien zinegotziak kargua har dezan.

EAJ-EA koalizioak esan digunez, berriz, legez lau zinegotzi dagozkio, eta zapatuan laurak joango dira kargua hartzera.

### GOBERNU BATZORDEA

EAJ-EAk Gobernu batzordea elkarrekin osatzeko proposamena egingo dio Aralarri, baina programa elkarrekin adostea jarri dute baldintza bezala. Aralarrek

Udalaren funtzionamenduaren gaineko akordioa egitea eta boto kopuruaren arabera batzorde banaketa jarri ditu lehentasunen artean, eta gero etorriko litzateke programa bateratua.

## HERRITARREN HITZA / Maria Elena Estenaga • Liburutegiko arduraduna

### Basta ya

Irakurtzeaz bat pentsatuko du norbaitek politikaz jardun behar dudala. Izan ere, giroa ez da makala. Hala ere, emakumeek bizi duten egoera jasanezinak ekarri nau lerro hauek idaztera. Gizarte hau progrea eta garatua dela esango dute batzuk gainera! Ustez, erakundeek lortua zuten emakumeen tratua txarren gaineko gaia leuntzea. Baita zera ere! tratua txar psikiko eta fisikoaren berriak datozkit nonahitik: "Bost emakumeek jasan dituzte tratua txarrak eta horietako hiru haurdun zeuden" diote egunkariak.

Heziketa da aldatu behar dena, baina ez emakumeena. Epailak eta erakundeek dute zer ikasia. Zertarako sortu emakumeendako gizarte zerbitzuak, etxebizitza seguruak, haurtzaindegiak... zertarako lagundu emakumei beldurak uxatzen erasotzailea denuntziatzeko. Zertarako lagundu indartsuak eta kontsekuenteak izaten beraien ekintzekin. Zertarako hau



"Ordua da emakumea bizi sortzaile moduan onartzeko"

guztia gero epailak ez badute atxilotzen behin eta berriz delitua egiten duen hori. Badira kasuak 20 aldiz denuntzia jarri arren ere aske utzi eta berriz intziditzen dutenak erasotua hil arte. Zer da emakumea, bigarren mailako izakia edo? Edo terrorismoagatik hildakoak baino garrantzia txikiagoa dute ba? Etxeko biolentzia edo genero biolentzia deitutakoak hildako gehiago eragiten ditu

terrorismoak baino, hala ere, batoren neurriak eta bestearnak ez dute antzik. Askoz gogorragoak dira terrorismoari lotutakoak nahiz eta odolik ez egon tartean (hara hor EGUNKARIAREN kasua). Gainera zigor guztia betetzera egoten dira lotuak gaixotasun larriak izan arren ere. Zergatik hau guztia jasan? Ordua da emakumea den moduan onartzeko, bizi sortzaile moduan. Izan ere, bera baita gizartearen etorkizunerako oinarri garrantzitsua. Horregatik diot: ASKI DA! Emakumeak merezi du erakundeetatik ematen zaion tratua baino hobea.

## LABUR

### Aerobik ikastaroa astelehenetan eta eguaztenetan

Martitzenetan eta eguaztenetan lehen aerobik ikastaroa, eta orain astelehenetara eta eguaztenetara aldatu dute. Ordutegia, edozelan ere, lehengo izango da: 19:00etatik 20:00etara, alegia. Joan den apirilean jarri zuen abian Udaleko Kirol Zerbitzuak elgetarren egoera fisikoa hobetzeko programa. Interesatuak izenabizenak, adina, telefonoa eta egindako aukera udaletxean jakinarazi beharko dituzte ikastaroa hasi nahi duten hila-betea baino lehen.

### Begirale bi behar ditu Udalak aisialdi programarako

Elgetako Udalak 3 eta sei 6 arteko umeendako aisialdi programa antolatu du, eta Elgetako txikienekin uztailaren 7tik 24ra bitartean lan egiteko begirale bi behar dira. Begiraleek titulua eduki edo aisialdi programetan jardundakoak izan beharko dute. Bestela, irakasle ikasketak eginda izatea edo egiten ibiltzea ere onartuko dute. Interesatuak Udaleko Kirol Zerbitzura deitu behar dute ekainaren 18a (eguaztena) baino lehen.

### 1945ean jaiotakoekin kinto bazkaria domekan

Ekainaren 15ean, domekan, kinto bazkaria egingo dute 1945ean jaio eta orain 58 urte dituzten gizon eta emakume elgetarrek. Guztira 24 lagun inguru elkartzeko dira bazkaltzeko. Urtero elkartzeko dira kintoak Elgetan, eta bazkari baten bueltan garai bateko eta oraingo kontuen gainean egiten dute berba. Hor-taz, Elgetatik kanpo edo herrian bertan bizi diren elgetarrek Ostatu jatetxean izango dute hitzordua domeka eguerdian.




'EGUNKARIA'

# Kirol jaia eta kontzertua antolatu dituzte egunkari berriaren alde

I.A.  
Euskaldunon Egunkaria itxi ostean Elgetan sortutako Egunkaria-ren aldeko batzordeak kirol jaialdi berezia antolatu du bihar. bertan herriko kirolariak hartuko dute parte eta batzen den dirua euskarazko egunkari berriaren proiekturako izango da.

Beatriz Zabalondo Berría egunkari berriko langile elgetarrak proiektuaren alde emandako urratsak eta aurrera begirako asmoak azaldu zituen martitzenean prentsaurrekoan. Bide batez, Elgetako batzordeak bihar-ko Egunkaria-ren aldeko jaialdiaren berri eman zuen. Bihar, zapatua, 20:00etan, hainbat urtean kirolean jardundako elgetarrak lehian ipiniko dituzte: futboleak, Realzaleen eta Athleticzaleen arteko penalti jaurtiketa izango da; saskibaloian, taldea sortu zutenen eta gaur egun bertan dihardutenen arteko desafioa; txirrindularitzan, amateur mailara iritsitako herritarrek jardungo dute; pilo-



Herriko kirolari ezagunak egon ziren kirol jaialdiaren aurkezpenean.

tan, herriko pilotari onenak izandakoek; eta herri kirolean, goiko kalekoek beheko kalekoen kontra egingo dute desafioa. Proba guztiak frontoian izango dira. Gaueko hamaiketan, berriz,

Ostiada Oi! eta Punteroi taldeen kontzertua egongo da gaztetxean eta 23:30ean, bolo tiraldia egingo dute kiroldegian. Jaialdian jasotzen den dirua egunkari berriaren alde izango da.

JAIK

# Kabaret ikuskizuna jaiak aurkezteko

I.A.  
Elgetako Azoka Nagusiko jaiak uztailaren 3tik 6ra bitartean ospatuko dira aurten. Aurrez, ordea, Jai batzordeak programaren aurkezpen ekitaldia egingo du Espaloia kafe antzokian. Horretarako, kabaret ikuskizuna antolatu dute ekainaren 20an.

La primera vez kabaret ikuskizunarekin aurkeztuko du ekainaren 20an, egubakoitzean, aurtengo jaietako programa Elgetako Jai batzordeak. Musikan eta probokazioan oinarritutako antzezlanaren gai nagusia lehenengo harreman sexuala da.

Amaieran xanpainarekin topa egingo dute Espaloia kafe antzokira gerturatzen diren elgetarrek. Sarrera doan izango da, baina gonbidapenak aurrez jaso beharko dira udaletxean.

Jaietarako prestatutako programan hainbat ekitaldi dago: jaietako lehen eguna, eguna, Elgeta tropikala izendatu dute. Hain justu, pamelak, koloreetak alkandorak eta hawaiiarren


gonak janzteko gonbita egiten die batzordeak herritarrei.

Kale antzerkiak, dantzarako musika, gaztetxeko kontzertuak, herri kirolak, bertso eta musika ikuskizuna, pilota, feria, zezenak eta galtzontzilo eta kulero lasterketa dira, besteak beste, nagusiendako antolatutako ikuskizunak. Txikiendako, berriz, gaztelu puzgarriak eta antzerkia egongo dira, besteak beste.

Ekitaldi nagusia danborrada izango da. Umeek eta nagusiek batera jardungo dute eta Elgetako himnoa estreinatuko dute.

Horren harira, orain arteko Jai batzordeak aurten agur esango du, baina jaien oroitzapen ona izatea da haren asmoa. Hortaz, herritarrei ekitaldietan parte hartzeko dei egin nahi die.

Bestalde, Udaletik esan digutenez, Azoka Nagusiko jaietan lan egiteko jendea behar da: hiru lagun kaleak garbitzeko, beste bi azokako postuak jartzeko eta lau postuok kentzeko. Kale garbitzaileek 275 euro jasoko dituzte ordainetan. Izena Elgetako udaletxean eman behar da ekainaren 20a baino lehen.



## Elgetarrak txapel-dun

Debagoieneko kirol txapelketa zirkuituaren barruan jokatu den esku pilotako lau t'erdiko torneoak eman du berea. Joan den zapatuan jokatu ziren finalak Elgetako pilotalekuan. Elgetarrak hasieratik aurreratu ziren markagailuan, eta bergararrak gerturatu egin ziren arren, Peñalver eta Ibarluzea 22-17 nagusitu ziren Oruesagasti eta Larrañaga bergararren aurkako lehian. Herritarrek nagusitasuna erakutsi zuten Elgetako pilotalekuan. / I.A./ ARGAZKIA: LUGARTEBURU.

## LABUR

### Bolinaga eta Elortza dantza askean bigarren

Bergarako Mendekoste jaietan Euskadiko Dantza Askeko Txapelketa jokatu zen domekan. 15 urtez azpiko 14 bikotek jardun zuten lehian. Bikote bergarar batek irabazi zuen txapelketa eta Iart Bolinaga eta Andoni Elortza elgetarrak bigarren izan ziren. Baina txapelketako bigarren saria ez eze, beste aipamen bat ere merezi izan zuen bikote elgetarrak; izan ere, Abarka elkarteak jantzi egokienarendako saria ere eman zien elgetarrei.

## DEPILAZIOA LASER BIDEZ

Erizaina: Sonia Simón  
OLT: Iratxe Aiarzaga  
Medikua: Gabriel Hernández

## SAIOA ARANZABAL MASAJEAK

ELGETAN, DOMINGO ITURBE 10ean  
Kiromasajea • Reflexologia • Hidromasajea • Kirol masajea • Solariuma • Drenaje linfatikoa • Algekin eginiko estalkia

Dei ezazu 646 50 00 29 telefonora ordua eskatzeko



## Jesus Mari Montiel ITURGINTZA ETA BEROGAILUAK

Artetale 3  
Mo: 656783299 Eibar  
Tel: 943 70 07 19

## KONPONKETAK SUKALDE ETA BAINUGELETAN

# BOLATOKI

Taberna

Eguneko menua

Asteburuan menu bereziak, ospakizunak eta agur-afariak

Karta enkarguz

Artetale 2, ELGETA. 943 76 82 84



## ERRETRATUZAHARRA

ANTZUOLA

Udaleku  
Irekiak, 1988ko  
uztailean

**A**spalditik egiten dira Udaleku Irekiak herrian. Oraingo astean, 1988ko uztailearen 14an ateratako argazkia dakarkizuegu. Herriko jaietako lehen eguna zen eta udalekuetako azkeneko eguna. Egun berezi hura ospatzeko, Indio Eguná antolatuta zuten eta txokolate jana izan zuten. Hona hemen argazkian azaltzen direnak:

Taldetik aldentuta, Gorka Jauregi.

Goian, zutik, ezkerretik eskumara: Nerea Santa Cruz, Nerea Núñez, Erika Fernández, Leire Larrea, Uraitz García, Larraitz Berraondo, Maialen Madariaga, Eneko Iturbe eta Cynthia Fresno.

Jarrita, ezkerretik eskumara: Usoa Agirre, Larraitz Lizarralde, Eneida Iturbe, Maripi Laskurain, Amaia Narbaiza, Mikel Urtzelai eta Beñat Etxeberria.

Lurrean, ezkerretik eskumara: Josune Peñagarikano, Maripi Jauregi, Jon Iturbe, Miren Gurutze Anduaga, Xabier Azkarate eta Maitane Goñi.

Argazkia: Maripi Laskurain eta Eneida Iturbe



## ADI, IRAKURLE!


Zure erretratu zaharra argitaratzea nahi izanez gero, zatorz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

## NOLAALDATUDIRENGAUZAK


ANTZUOLA

Anbulatorio  
ingurua

**H**erriko beste hainbat tokitan bezala, anbulatorio inguruan ere hainbat lan egin dituzte azkeneko urteotan. Oraindik ere lan horiekin jarraitzen dute, irisgarritasun planari jarraituz. Igogailua jartzeko lanekin eta komunak eraberritzen dabilta momentu honetan. Sagasti eta Aiherra batzen dituen errepideak ere itxura berria eman dio anbulatorio inguruari.



**1998** Eskailerak zeuden anbulatoriora igotzeko, eta mugikortasun arazoak zituztenendako ez zen lan erraza medikuarenera joatea.



**2003** Azkeneko urteotan hainbat lan egin dituzte anbulatorio inguruan; orain, esaterako, igogailua jartzeko lanekin dihardute.



**umelaga**

JATETXEA

60 urte zuen zerbitzura!

San Antonio 5. BERGARA. 943 76 20 21



**DEBA  
GARAIA**

INMUEBLE ETA FINANTZA  
AGENTZIA

Bergara / Arrasate / Elgoibar  
Teleforo Aranzadi 2 behea  
943 76 21 80 / 943 76 06 37

**ETXAGI  
JATETXEA**

AFARIAK, BATAIOAK,  
JAUNARTZEAK,  
EGUNEROKO MENUA,  
GOSARIAK,  
BAZKARIAK...

Masterreka, 8  
BERGARA  
943 76 53 12




gizon & emakume

Barrenkalea 35  
BERGARA





Pelikula on bat  
ikusirik nahi dut!



**IRALA**  
VIDEOMATIC Plus Bideoak

Simon Arrieta 4. Tel.: 943 76 21 81. Faxa: 943 76 73 33.  
video\_irala@infonegocio.es



# SAN MARTIN ESKOLA EUSKAL ASTEA 2003

Honekin, zazpi ikasturte izango dira udako oporrak hartu aurretik Euskal Astea ospatzen dugula. Hainbat jarduera burutzen ditugu, eta denek euskal kulturarekin lotura zuzena dute. Helburua hauxe da: euskal kulturako jarduerak era atseginean eginez, kultura honen ezagupena zabaldu eta afektiboki euskal kulturarekin oroitzapen positiboa izan.



- EGITARAUA**
- Ekainak 13: txupinazoa, pregoia, horma-irudiak.
  - Ekainak 16: bertsoak, abestiak eta olerkiak.
  - Ekainak 17: Pilota Txapelketako finalak.
  - Ekainak 18: jolas tradizionalak, ipuinak, igarkizunak, txistekak.
  - Ekainak 19: euskal dantzak.
  - Ekainak 20: txangoa.

**SAN MARTIN - IPINTZA - M. ALTUNA**  
BERGARAKO IKASTETXE PUBLIKOAK



# RKUZ

GRUPO

1950-2003

Zure etxea da



Araba etorbidea 20  
Tel./Faxa: 943 79 23 51  
ARETXABAETA



Araba Etorbidea 5  
Tel./Faxa: 943 79 41 82  
ARRASATE



Mitarte 3  
Tel./Faxa: 943 77 04 55  
ARETXABAETA



Andramari auzunea 1  
Tel./Faxa: 943 79 10 97  
ARETXABAETA

